

Siunnersuut unnga: Politikikkut partiit naatsorsuutaasa tamanut saqqummiunneqartalernissaat pillugu Inatsisartut inatsisaat nr. xx, xx 2011
(Inatsisartunut ilaasortaq Niels Thomsen, Demokraatit)

Akissuteqaat

(Naalakkersuisut Siulittaasuat)

1. Siullermeerlugu suliarineqarnera

Aallaqqaatigalugu Naalakkersuisut siunnersuut inuiaqatigiinni demokratiskiusuni pingaaruteqarluinnartoq qujassutigissavaat.

Nunat eqqatsinniittut arlallit politikikkut partiinut aningaasatigut tapiissuteqartut aqqisa tamanut saqqummiunneqartarnerat pillugu malittarisassa qarput. Ilaatigut Danmarkimi – inatsisissatut siunnersuummut uunga siunnersuuteqartup isummersuumminik pingaarnertut aallerfigisimasaani – 1991-imiilli inuit namminneq partiinut tapiissuteqartarnerat, aamma partiit naatsorsuutaasa tamanut saqqummiunneqartarnerat pillugu malittarisassa qarpoq.

Nunat taakkua malittarisassaanni ataatsimoorusseq tassaavoq, kina partiinut sorlernut tapiissuteqarnerseq pillugu ammanerunissamik ersarinnerunissamillu ujartuineq. Siunertaq iluarinartoq Naalakkersuisunit aamma isumaqatigineqartoq.

Politikikkut partiinut aningaasatigut tapiissuteqartut aqqi Nunatsinni tamanut saqqummiutissallugit ullumikkut malittarisassa qarngilaq, kisianni *Naalakkersuinikkut sulinermut aningaasatigut tapiissuteqartarneq pillugu inatsisartut inatsisaat nr. 1, 31. maj 2001-imeersumi* partiit naatsorsuutaasa tamanut saqqummiunneqarsinnaaneri pillugit malittarisassa qarperpoq.

Taamaattumik inatsisartut ataatsimiititaliaata uannga suliarinnittup eqqarsaatigisariaqarpaa, inatsisit immikkoortut marluk atussallugit siunertamut naleqqunnerpaajunersaq, imaluunniit naalakkersuinikkut sulinermut aningaasatigut tapiissuteqartarneq pillugu inatsisartut inatsisaannut atuutereersumut partiinut aningaasatigut tapiissuteqartut aqqisa tamanut saqqummiunneqartarnissaat pillugu malittarisassat ilanngunneqartariaqarnerut.

taamatut oqaaseqarluta siunnersuut saqqummiunneqartoq Naalakkersuisunit tapersorsorparput.